

- mikrofilmovanje ličnog fonda Safet-bega Bašagića i digitalizacija njegovih objavljenih djela".
2. Sredstva iz tačke 1. ove odluke evidentirat će se u razdjelu 22 - Ministarstvo kulture i sporta, glava 02, potrošačka jedinica 0009 - Historijski arhiv, na ekonomskom kodu: 613900 - Ugovorene i druge posebne usluge 10.000 KM
 3. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva za kulturu i

- sport u skladu sa prilikom tih sredstava u Budžet Kantona Sarajevo za 2013. godinu i Ministarstvo kulture i sporta će pratiti utrošak istih.
4. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-32311/13
24. decembra 2013. godine
Sarajevo

Ministar
Muhamed Kozadra, s. r.

GRAD SARAJEVO

Gradsko vijeće

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08) i člana 5. Odluke o uslovima i načinu dodjele "Šestoaprilске nagrade Grada Sarajeva"- Prečišćeni tekst ("Službene novine Kantona Sarajevo", broj 5/12), Gradsko vijeće Grada Sarajeva, na sjednici održanoj 23.12.2013. godine, donijelo je

ODLUKU

O VISINI NOVČANOG IZNOSA POJEDINAČNE I GRUPNE "ŠESTOAPRILSKE NAGRADE GRADA SARAJEVA" U 2014. GODINI

Član 1.

Ovom Odlukom utvrđuje se visina novčanog iznosa pojedinačne i grupne "Šestoaprilске nagrade Grada Sarajeva" u 2014. godini.

Član 2.

Novčani iznos pojedinačne "Šestoaprilске nagrade Grada Sarajeva" u 2014. godini utvrđuje se u visini od 7.000,00 KM.

Član 3.

Novčani iznos grupne "Šestoaprilске nagrade Grada Sarajeva" u 2014. godini utvrđuje se u visini od 7.000,00 KM i ravnopravno dijeli među članovima grupe koja je dobitnik "Šestoaprilске nagrade Grada Sarajeva" u 2014. godini.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2152/13
23. decembra 2013. godine
Sarajevo

Predsjedavajući
Gradskog vijeća
Sabahudin Delalić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), člana 19. Odluke o osnivanju Javnog preduzeća "Olimpijski bazen Otoka" d.o.o. Sarajevo, odnosno člana 1. Odluke o izmjenama i dopunama Odluke o osnivanju Javnog preduzeća "Olimpijski bazen Otoka" d.o.o. Sarajevo ("Službene novine Kantona Sarajevo", broj 33/09), a u vezi sa članom 22. Statuta Javnog preduzeća "Olimpijski bazen Otoka" d.o.o. Sarajevo, odnosno članom 3. Odluke o izmjenama i dopunama Statuta Javnog preduzeća "Olimpijski bazen Otoka" d.o.o. Sarajevo, Gradsko vijeće Grada Sarajeva, na sjednici od 23.12.2013. godine, donijelo je

ODLUKU

O DAVANJU OVLAŠTENJA ZA VRŠENJE FUNKCIJE PREDSEDNIKA I ČLANOVA SKUPŠTINE JAVNOG PREDUZEĆA "OLIMPIJSKI BAZEN OTOKA" D.O.O. SARAJEVO

Član 1.

Ovom Odlukom Gradsko vijeće Grada Sarajeva daje ovlaštenje za vršenje funkcije predsjednika i članova Skupštine Javnog preduzeća "Olimpijski bazen Otoka" d.o.o. Sarajevo, na period od četiri godine, i to:

1. Dragana Solaković, pomoćnik Gradonačelnika za lokalnu samoupravu, predsjednik
2. Elvir Hadžiahmetović, sekretar Gradske uprave po ovlaštenju gradonačelnika, član
3. Ramiz Kadić, pomoćnik Gradonačelnika za obrazovanje, kulturu i sport, član.

Član 2.

Stupanjem na snagu ove Odluke prestaje da važi Odluka o davanju ovlaštenja za vršenje funkcije predsjednika i članova Skupštine Javnog preduzeća "Olimpijski bazen Otoka" d.o.o. Sarajevo ("Službene novine Kantona Sarajevo", broj 37/09) i Odluka o prestanku i davanju ovlaštenja Gradskog vijeća Grada Sarajeva za vršenje funkcije predsjednika Skupštine Javnog preduzeća "Olimpijski bazen Otoka" d.o.o. Sarajevo ("Službene novine Kantona Sarajevo", broj 17/13).

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2153/13
23. decembra 2013. godine
Sarajevo

Predsjedavajući
Gradskog vijeća
Sabahudin Delalić, s. r.

Gradsko vijeće - Komisija za statut i akte

Na osnovu člana 138. stav 2. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), Komisija za Statut i akte Gradskog vijeća Grada Sarajeva, na sjednici održanoj dana 12.12.2013. godine, utvrdila je Prečišćeni tekst Odluke o usvajanju Regulacionog plana Gradskog centra "Marijin Dvor".

Prečišćeni tekst Odluke obuhvata: Odluku o usvajanju Regulacionog plana Gradskog centra "Marijin Dvor" ("Službene novine Kantona Sarajevo", broj 17/99), Odluku o izmjenama i dopunama Regulacionog plana Gradskog centra "Marijin Dvor" - I faza ("Službene novine Kantona Sarajevo", broj 08/04) i Odluku o usvajanju Izmjena i dopuna Regulacionog plana Gradskog centra "Marijin Dvor" - II faza ("Službene novine Kantona Sarajevo", broj 28/07), u kojima je označen dan stupanja na snagu tih Odluka.

Broj 02-02-2075-1/13
12. decembra 2013. godine
Sarajevo

Predsjedavajući
Komisije za Statut i akte
Gradskog vijeća Grada Sarajeva
Esad Hrvatić, s. r.

ODLUKA

O USVAJANJU REGULACIONOG PLANA GRADSKOG CENTRA "MARIJIN DVOR" (PREČIŠĆENI TEKST)

Član 1.

Usvaja se Regulacioni plan Gradskog centra "Marijin Dvor" (u daljnjem tekstu: Plan).

Član 2.

Plan se sastoji od tekstualnog i grafičkog dijela. Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru Plana
- Odluku o provođenju Plana

Grafički dio sadrži:

- Urbanizam prezentiran na odgovarajućem broju tematskih karata
- Idejno rješenje saobraćaja
- Idejno rješenje snabdijevanja vodom i odvodnja otpadnih i oborinskih voda
- Idejno rješenje toplifikacije - gasifikacije,
- Idejno rješenje elektroenergetike i javne rasvjete
- Idejno rješenje hortikulture
- Idejno rješenje TK mreže

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Centar Sarajevo, Gradskoj upravi - Služba za urbano planiranje i stambene poslove i Zavodu za planiranje razvoja Kantona Sarajevo.

Član 4.

Prečišćeni tekst Odluke primjenjuje se od dana objavljivanja u "Službenim novinama Kantona Sarajevo".

Na osnovu člana 138. stav 2. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), Komisija za Statut i akte Gradskog vijeća Grada Sarajeva, na sjednici održanoj dana 12.12.2013. godine, utvrdila je Prečišćeni tekst Odluke o provođenju Regulacionog plana Gradskog centra "Marijin Dvor".

Prečišćeni tekst Odluke obuhvata: Odluku o provođenju Regulacionog plana Gradskog centra "Marijin Dvor" ("Službene novine Kantona Sarajevo", broj 17/99), Odluku o provođenju Izmjena i dopuna Regulacionog plana Gradskog centra "Marijin Dvor" - I faza ("Službene novine Kantona Sarajevo", broj 08/04) i Odluku o provođenju Izmjena i dopuna Regulacionog plana Gradskog centra "Marijin Dvor" - II faza ("Službene novine Kantona Sarajevo", broj 28/07), u kojima je označen dan stupanja na snagu tih Odluka.

Broj 02-02-2075-2/13 Predsjedavajući
12. decembra 2013. godine Komisije za Statut i akte
Sarajevo Gradskog vijeća Grada Sarajeva
Esad Hrvatić, s. r.

ODLUKA

O PROVOĐENJU REGULACIONOG PLANA GRADSKOG CENTRA "MARIJIN DVOR" (PREČIŠĆENI TEKST)

Član 1.

Ovom Odlukom uređuje se provođenje Regulacionog plana Gradskog centra "Marijin Dvor" (u daljnjem tekstu: Plan), granice prostorne cjeline, podjela prostorne cjeline na kvadrante, urbanističko-tehnički uslovi za izgradnju građevina, uslovi za uređenje građevinskog zemljišta, mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja, mjere zaštite prava lica sa umanjenim tjelesnim sposobnostima, uslovi uređenja zelenih i slobodnih površina, te odnosi prema postojećim građevinama i uslovi pod kojima se pojedine djelatnosti mogu obavljati u planiranom prostoru.

Granice prostorne cjeline

Član 2.

Granica cjelokupnog prostornog obuhvata Regulacionog plana Gradskog centra "Marijin Dvor" počinje sa raskršća ulica Maršala Tita k.č. 1211 i Hamze Hume k.č. 801/1, te polazi u pravcu jugoistoka idući istočnom stranom ulice Hamze Hume i

dolazi do mosta na Skenderiji, skreće na jugozapad te zapad, idući nizvodno osovnom rijeke Miljacke k.č. 1222 i dolazi do mjesta gdje istu presijeca trasa I transversale, produžava u pravcu sjevera idući zapadnom stranom trase I transversale (obuhvata je) preko parcela k.č. 3369/7 i 3361 K.O. Novo Sarajevo I, presijeca ulicu Zmaja od Bosne, te nastavlja u pravcu sjevera idući zapadnom stranom trase I transversale, koju obuhvata, te dolazi do njenog raskršća sa ulicom Kranjčevićeva, nastavlja u pravcu istoka idući ulicom Kranjčevićeva k.č. 1210 (obuhvata je), te dolazi do njenog raskršća sa ulicom Maršala Tita k.č. 1211 koju presijeca i dolazi na raskršće, odnosno do mjesta odakle je opis granice i počeo.

Sve naprijed navedene parcele nalaze se u K.O. Novo Sarajevo VII, Općina Centar i K.O. Novo Sarajevo I, Općina Novo Sarajevo.

Plan obuhvata područje površine 46,7 ha.

Podjela prostorne cjeline na kvadrante

Član 3.

Radi utvrđivanja i definisanja elemenata iz člana 1. ove Odluke, u obuhvatu Regulacionog plana Gradskog centra "Marijin Dvor", određena su područja koje karakterišu dominantni sadržaji namjena površina, a označena su kao:

- Kvadrant "A",
- Kvadrant "B",
- Kvadrant "C" i
- Kvadrant "D".

U okviru kvadranta definisane su zone sa sljedećim namjenama:

1. Stambena zona 2,19 ha
2. Stambeno-poslovna zona 8,5 ha
3. Poslovna zona 13,75 ha
4. Uređene zelene površine sa pješačkim stazama, urbanim mobilijarom i šetalište uz Miljacku 5,97 ha
5. Kolski saobraćaj i saobraćaj u mirovanju 14,48 ha
6. Vodne površine rijeke Miljacke u granicama Plana 1,76 ha

Član 4.

U okviru kvadranta iz prethodnog člana određene su građevinske parcele na kojima je planirana izgradnja građevina, a označene su oznakom kvadranta i rednim brojem parcele (grafički prilog Plana, karta "Planirano stanje - razmještaj, spratnost i namjena arhitektonskih objekata").

Građevinske parcele na kojima je planirana izgradnja novih građevina su:

- U Kvadrantu "A": A-1, A-2, A-3,
- U Kvadrantu "B": B-1, B-2, B-3, B-4, B-5, B-6, B-7, B-8, B-9, B-10, B-11, B-12, B-13 i B-14,
- U Kvadrantu "D": D-1, D-2, D-3.

U Kvadrantu "C" nije planirana izgradnja novih građevina.

Urbanističko-tehnički uslovi za izgradnju građevina

Član 5.

Urbanističko-tehnički uslovi za izgradnju na građevinskoj parceli A-4 u Kvadrantu "A" su: se mogućnost slobodnijeg formiranja građevinske strukture u odnosu na građevinsku liniju iznad visine od 4,5m od kote terena;

- Izgradnja novih sadržaja na parceli hotela "Holiday Inn" može se vršiti samo na osnovu tehničke dokumentacije uz saglasnost projektanta postojećeg objekta;
- Građevinska linija ograničava građevinsko zemljište na kome je moguća realizacija arhitektonskih masa. Na parceli hotela "Holiday Inn" ostavlja
- Uslov za izdavanje odobrenja za građenje je urbanističko rješenje vanjskog uređenja pripadajuće parcele urađeno po metodologiji i sadržaju urbanističkog projekta;
- Osnovne arhitektonske mase na parceli hotela "Holiday Inn" po visini se kreću:
 - Postojeći objekat hotela se zadržava u postojećim horizontalnim i vertikalnim gabaritima;

- Novoplanirane građevinske mase se kreću od P+2 do P+4, izuzetno još jedan sprat maksimalne ukupne visine od 10 m do 20 m;
- Visoki akcenat je spratnosti P+M+22, odnosno maksimalne visine od 10 m do 100 m;
- Objekat garaže spratnosti P+4-1, sa preporukom da se maksimalni broj garaža smjesti u podzemne etaže. Ukoliko se realizira više podzemnih etaža na račun nadzemnih, ovaj objekat može sadržavati i druge namjene.

Član 6.

Urbanističko-tehnički uslovi za izgradnju građevina i druge zahvate u prostoru na građevinskim parcelama iz člana 4. ove Odluke, izuzev građevina na građevinskoj parceli A-4 iz člana 5. ove Odluke su:

- Za planirane građevinske parcele osnovni urbanistički pokazatelji (numerički podaci) naznačeni su u grafičkom prilogu Plana, karta "Planirano stanje - razmjesta, spratnost i namjena arhitektonskih objekata", a odnose se na:
 - a. površinu građevinske parcele, koja je definisana regulacionom linijom,
 - b. građevinsku liniju, koja definiše građevinsku površinu na kojoj je moguće projektovati tlocrt građevine,
 - c. max. visinu objekta,
 - d. max. bruto građevinsku površinu,
 - e. minimalan broj parking - garažnih mjesta u okviru građevinske parcele.
- Na građevinskim parcelama moguće je primijeniti slobodnostojeći, blokovski i mješoviti sistem izgradnje, poštujući zadatu građevinsku liniju, utvrđenu max. visinu objekta, max. bruto građevinsku površinu i min. broj parking - garažnih mjesta;
- Na građevinskim parcelama označenim kao A1, A3, B1, B3, B5, B6, B10, B11 i B12 omogućiti pješačke komunikacije u vidu pješačkih ulica i pijaceta, koji mogu biti natkriveni ili u vidu pasaža. Pješačke komunikacije trebaju biti u funkciji same namjene objekta i u funkciji nesmetanog protoka posjetilaca i prolaznika;
- Na građevinskim parcelama B2, B3, B5, B6, B7, B8, B9, B11 i B12 odnos poslovne i stambene namjene BGP mora biti u odnosu 60:40;
- Interpolacija objekata vrši se u skladu sa ovim Planom, na način da se poštuje postojeća građevinska parcela, a spratnost se usaglašava sa susjednim objektima;
- Parkiranje - garažiranje se mora obezbijediti na građevinskoj parceli i to kao podzemne ili spratne etaže ili kao parking površine;
- Broj podzemnih etaža nije limitiran;
- Nivo projektne dokumentacije neophodne za izdavanje urbanističke saglasnosti mora se sastojati iz idejnog arhitektonskog rješenja građevine sa urbanističkim rješenjem građevinske parcele i rješenjem pješačkog i saobraćaja u mirovanju;
- Nivelete pješačkih površina, kao i prilazi i ulazi u sve građevine, moraju biti isprojektovani i izvedeni sa nagibima koji omogućavaju nesmetano kretanje lica sa smanjenim tjelesnim sposobnostima;
- Nivelacione kote poda prizemlja građevina u odnosu na saobraćajnicu utvrdit će se na osnovu nivelacionih kota saobraćajnica datih u separatu "Idejno rješenje saobraćaja" i moraju biti od istih uvećane za minimum 15,0 cm;
- Priključke na saobraćajnice i mrežu komunalne infrastrukture treba u svakom konkretnom slučaju posebno projektovati u skladu sa idejnim rješenjima u separatima koji su sastavni dio Plana;
- Sve arhitektonske građevine moraju biti oblikovane i građene od savremenih materijala, koji nisu lakozapaljivi i nisu prenosnici požara;

- Poslovne građevine i prostori koji se zadržavaju ne mogu mijenjati namjenu u stambene površine. Stambeni prostori koji se zadržavaju mogu mijenjati namjenu u poslovne prostore;
- Koeficijent izgrađenosti utvrđen je i naznačen u tekstualnom obrazloženju Plana;
- Podizanje čvrstih ograda na planiranim građevinskim parcelama nije dozvoljeno izuzev postojećih uz Osnovnu školu i Zemaljski muzej;
- Pri izdavanju građevinske dozvole za izgradnju građevine potrebno je pribaviti geoinžinjerske nalaze i uslove fundiranja od nadležnih institucija, a statički proračun građevine mora se dimenzionirati za zaštitu od potresa jačine najmanje 8 stepeni MCS;
- Djelatnosti za koje je zakonima i podzakonskim aktima propisana obavezna izrada elaborata uticaja na okoliš ili djelatnosti koje na bilo koji način ugrožavaju okolinu (buka, prašina, dim i sl.) ne mogu se graditi na ovom prostoru.

Uslovi uređenja građevinskog zemljišta

Član 7.

Uređenje građevinskog zemljišta mora se izvesti u obimu i na način kako je to utvrđeno Planom.

Izgradnja građevina ne može započeti bez prethodnog minimalnog uređenja građevinskog zemljišta, pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture.

Izgradnja građevina ne može započeti prije uklanjanja objekata predviđenih za rušenje. Izuzetno, ovi objekti mogu se koristiti za potrebe gradilišta, ali se isti moraju ukloniti prije podnošenja zahtjeva za tehnički prijem građevine.

Privremeno korištenje građevinskog zemljišta koje nije privedeno krajnjoj namjeni se ne može odobriti.

Uslovi uređenja zelenila i slobodnih površina

Član 8.

Ovim Planom utvrđene su sljedeće kategorije zelenila:

1. Linijsko zelenilo uz primarne, sekundarne saobraćajnice i šetališta.
2. Zelenilo uz objekte društvene infrastrukture i stanovanja.

Ove površine ne mogu se koristiti za druge namjene, niti se mogu graditi objekti koji nisu u funkciji te površine.

Izgradnja i uređenje zelenih površina, kao i odabir vrsta biljnog materijala, vršit će se u skladu sa izvedbenom dokumentacijom, a na osnovu separata "Idejno rješenje hortikulture".

Dvorišta koja se nalaze unutar postojećih stambenih blokova (Kvadrant "C" i "D") mogu se koristiti za izgradnju zajedničkog prostora za parkiranje uz hortikulturno uređenje, uz prethodno urađenu i odobrenu tehničku dokumentaciju.

Član 9.

Saobraćajne površine obrađene su u separatu "Idejno rješenje saobraćaj". Investitor je dužan izgraditi parking mjesta u zatvorenom (podzemne ili nadzemne etaže) ili na otvorenom parkiralištu u okviru građevinske parcele. Separatom je utvrđen minimalan broj parking mjesta u odnosu na max. bruto građevinske površine, i to: 55-60 m² za poslovne objekte, a za stambenu izgradnju 1 stan -1,1 parking mjesto.

Izgrađene javne parking površine namijenjene saobraćaju u mirovanju se mogu rekonstruisati izgradnjom javne podzemne garaže zadržavajući i postojeći javni parking prostor. U tom slučaju, nivo projektne dokumentacije za izdavanje urbanističke saglasnosti mora biti idejno rješenje garaže sa urbanističkim rješenjem infrastrukture na lokaciji i rješenjem samog prostora postojećeg parkinga sa naznačenim ulazima u podzemnu garažu, parking prostor i priključenja na postojeću saobraćajnu mrežu (i garaže i parkinga), kao i rješenje pristupa susjednim objektima.

Zaštita prava lica sa umanjnim tjelesnim sposobnostima**Član 10.**

U postupku donošenja urbanističke saglasnosti i odobrenja za građenje, nadležni organi su dužni obezbijediti da se primijeni Uredba o prostornim standardima za sprečavanje stvaranja svih prepreka za osobe sa umanjnim tjelesnim sposobnostima ("Službene novine Federacije BiH", broj 10/04).

Mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja**Član 11.**

U postupku donošenja urbanističke saglasnosti i odobrenja za građenje, nadležni organi su dužni, da u pogledu zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja, obezbijede primjenu važećeg Zakona o zaštiti ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i Uredbe o uvjetima, kriterijima i načinu gradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Odnos prema postojećim građevinama**Član 12.**

Intervencije na postojećim objektima, koji se zadržavaju u Kvadrantima "C" i "D", mogu se vršiti uz saglasnost Kantonalnog zavoda za zaštitu kulturno-historijskog i prirodnog naslijeđa Sarajevo.

Na postojećim objektima, koji su predviđeni za rušenje, mogu se odobriti samo radovi tekućeg održavanja.

Na području Kvadranta "B", na postojećim objektima nisu dozvoljeni nikakvi radovi, izuzimajući radove na objektima kulturno-historijskog naslijeđa.

Uslovi pod kojim se mogu obavljati djelatnosti**Član 13.**

U poslovnom prostoru mogu se obavljati sve djelatnosti koje ne ugrožavaju prirodnu sredinu i okoliš i koje ne remete korištenje susjednih građevina i sadržaja. Građevine moraju biti izgrađene prema važećim propisima za djelatnosti koje se u njima obavljaju.

Ostale odredbe**Član 14.**

Prečišćeni tekst Odluke primjenjuje se od dana objavljivanja u "Službenim novinama Kantona Sarajevo".

OPĆINA CENTAR SARAJEVO**Općinsko vijeće**

Na osnovu člana 13. stav 2. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), čl. 10. i 68. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04) i čl. 5. i 15. Odluke o dodjeli u zakup poslovnih zgrada i prostorija Općine Centar Sarajevo - prečišćeni tekst ("Službene novine Kantona Sarajevo", br. 20/09 i 11/13), Općinsko vijeće Centar Sarajevo je, na Četrnaestoj redovnoj sjednici, održanoj dana 19.12.2013. godine, donijelo

ODLUKU**O DODJELI U ZAKUP POSLOVNIH PROSTORIJA
OPĆINE CENTAR SARAJEVO U ULICI HAMZE
ORLOVIĆA 9****Član 1.**

Na osnovu rezultata provedenog postupka javnog oglašavanja, dodjeljuju se u zakup na 5 (pet) godina poslovne prostorije u ulici Hamze Orlovića 9, površine 23 m², Slinić Faiku iz Sarajeva, za obavljanje djelatnosti u skladu sa Odlukom o obavljanju poslovnih djelatnosti u određenim ulicama na području Općine Centar Sarajevo ("Službene novine Kantona Sarajevo", broj 38/07), sa iznosom zakupnine od 7,20 KM po m².

Član 2.

Korisniku iz člana 1. Odluke, poslovne prostorije se dodjeljuju u zakup pod uslovom obezbjeđenja 60 potpisanih mjenica na mjesečni iznos zakupnine ili uplatom jednogodišnjeg iznosa zakupnine unaprijed.

Član 3.

Na osnovu Odluke, Općinski načelnik će, sa korisnikom iz člana 1. Odluke, zaključiti ugovor o zakupu poslovnih prostorija.

Član 4.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-2694/13
19. decembra 2013. godine

Predsjedavajuća
Općinskog vijeća
Mr. sc. **Varja Nikolić**, s. r.

Ova odluka je objavljena na Oglasnoj ploči Općine Centar Sarajevo dana 24.12.2013. godine.

Na osnovu člana 13. stav 2. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), čl. 10. i 68. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04) i čl. 5. i 15. Odluke o dodjeli u zakup poslovnih zgrada i prostorija Općine Centar Sarajevo - prečišćeni tekst ("Službene novine Kantona Sarajevo", br. 20/09 i 11/13), Općinsko vijeće Centar Sarajevo je, na Četrnaestoj redovnoj sjednici, održanoj dana 19.12.2013. godine, donijelo

ODLUKU**O DODJELI U ZAKUP POSLOVNIH PROSTORIJA
OPĆINE CENTAR SARAJEVO U ULICI HAMZE HUME
2 (PASAŽ)****Član 1.**

Na osnovu rezultata provedenog postupka javnog oglašavanja, dodjeljuju se u zakup na 5 (pet) godina poslovne prostorije u ulici Hamze Hume 2 (pasaž), površine 44 m², Pašić Merimi iz Sarajeva, za obavljanje djelatnosti u skladu sa Odlukom o obavljanju poslovnih djelatnosti u određenim ulicama na području Općine Centar Sarajevo ("Službene novine Kantona Sarajevo", broj 38/07), sa iznosom zakupnine od 8,40 KM po m².

Član 2.

Korisniku iz člana 1. Odluke, poslovne prostorije se dodjeljuju u zakup pod uslovom obezbjeđenja 60 potpisanih mjenica na mjesečni iznos zakupnine ili uplatom jednogodišnjeg iznosa zakupnine unaprijed.

Član 3.

Na osnovu Odluke, Općinski načelnik će, sa korisnikom iz člana 1. Odluke, zaključiti ugovor o zakupu poslovnih prostorija.

Član 4.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-2695/13
19. decembra 2013. godine

Predsjedavajuća
Općinskog vijeća
Mr. sc. **Varja Nikolić**, s. r.

Ova odluka je objavljena na Oglasnoj ploči Općine Centar Sarajevo dana 24.12.2013. godine.